

蜀都碎事

清陳祥裔輯

第三冊

進步書局校印

蜀都碎事藝文補遺上卷

萬里橋賦

清 陳祥裔撰 漁輯

陸 肱

萬里兮蜀郡隋都。二橋兮地角天隅。相去而如乖舛。猶曾遊而只在。實區倚檻多懷。結長悲而莫極。凭川試望。思遠道以何殊。昔者滄海朝宗。岷山發跡。斯觀理水之要。若啓鑿穴之役。逮夫東土為陽。西邦曰益。駕長虹於兩地。客思迢迢。浩積水於千秋。江流脈脈。宇宙綿綿。今來運籌。結構應似。逢程甚偏。將楚遊於楚岸。欲徑度於巴川。目斷波中。過巫峯之十二。心馳路半。到荆門而五千。徒觀夫偃蹇東流。崢嶸二邑。揭華表以相效。刻仙禽而對立。俄驚迴復。潮生而夕月初明。孰敢爭先。帆去而秋灘正急。眇天末之殊方。有人間兮異鄉。顧盼而層陰動色。徘徊而浮柱生光。飾丹腹以雖同。彼臨淮海。度軒車而既異。此對銅梁。古來幾許行人。曾遊此路。跨綠岸以長有。俯清流而下注。寧為駐足之所。莫問傷心之故。復有逆旅傷情。臨邛遠行。壯鬼製以靈龜。壓江流而砥平。家本江都。羨波濤而自返。身留蜀地。偶萍梗以堪驚。遙迤歸還。飄流恨結。之子去兮。揚桂棹。長卿還兮。建龍節。既風月以相間。固音塵之兩絕。斯橋也。

可以濟巨用之往來。不可以攜手而相別。

鑿三江賦

狄遵度

嗚呼吾聞魚鳧氏以降。秦太守之前。蜀之為國。不幾千萬年。方三江之害被茲土。以禹之功。不是施兮。嗟後來亦奚言。彼民之昏溺兮。無乃得之於天。不能遷土而改宅兮。其流漂亦何冤。勁崖挺以中亞兮。激狂瀾而右旋。橫驚折走莫知其所之兮。吼穹谷而下穿。蛟鼉鼉蟹討以相濡兮。何允蠹而緣延。喙膚吮血涕以咀嚼兮。咸飲腐而飽臙。萑蒲菱芡紛以相被兮。汙百頃之良田。土不藝而民無所食兮。孰與奏其艱鮮。民之害固不可終極兮。歷百千萬世天乃授之以賢。曰噫中國之無人。遂使民至於此焉。天之生斯民兮。故使之食飽而居安。降巨蓄以漂之兮。天之意不然。水之性固就下。善利兮。決之則宣。濬九川而距四海亦奚艱。且九載之孜孜。民不憚苦而訴煩。蓋因利而為利兮。勞之在先。不忍一勤其力兮。乃至驚萬世而害弗捐。胡不浚發其利源。剝削其害根。巨崖剖以鏤裂兮。若頽乾而陷坤。怒石奮以交墜兮。吁電走而雷奔。蕩重淵以傾覆兮。喪百怪之精魂。雲轉霧溢。盤薄魔跼兮。注壑於其間。寂寥散漫。肆以長往兮。若氣散於垓渾。決其餘以旁溉兮。居其側數百頃。皆膏腴之上珍。民降

丘而下宅兮。若蟻聚而蜂屯。則幾年幾世之積害。一日刷去兮。不啻捐芥而蕩塵。嗚呼。蜀之為國。非地之中。宜乎彘貍之雜處。魚鼈之與同。有李侯者至。然後別類於水物。有仲翁者至。然後同俗於華風。然則今所棟宇而處。衣冠而嬉。皆二公之所翳。若李侯之事。固所莫得而繼。彼仲翁之教。亦何憚而弗為。嗚呼。以禹之功。至大至神。括六合以橫被。疇有存而勿論。胡茲為害。獨不得聞。無乃力所不涓兮。抑亦遺其功於後人。而今而後。乃知民未得所欲。事或有不利。先世所未暇除去。聖人所未及裁制。苟有志於生民。皆吾人之所事。若曰茲事體大。必聖人而後為。則小人也。不敢與知。

神女廟賦

晁公邁

漢武帝既封泰山之五年。臨朝而嘆曰。朕念元元之民。未蒙休德。周覽中土。以施惠澤。而南方以遠。故獨弗及也。朕甚憫焉。是冬詔發。欣飛羽林之士。簡車騎之眾。盛清道之儀。天子御雕玉之輿。服龍文而駕魚目。擊蒲稍而駘躡雲。至於盛唐。望九疑。登天柱。薄樅陽而出。休於瑯琊。天子大悅。作盛唐樅陽之詩。命協律都尉延年歌之。以觴群臣。酒未半。天子威然不懌。時東方朔枚皋侍。因進曰。陛下不懌。臣敢請罪。帝曰。朕適望琅瑯之上。忽然雲興。其氣甚異。因感高唐之事。聞楚陽臺之山。下有神女。旦

為朝雲暮為行雨。朕心慕之。異時諸方士嘗言仙者非求人主。人主求之乃可致。今往遊天下。冀一睹列仙之屬。而莫獲焉。殆朕之德不如楚王。能有所遇也。是以不擇朔跪曰。楚王諸侯耳。有臣宋玉。善為微詞。感動神女。見夢於王。臣嘗笑之。玉安知神女。若臣者乃知之上意。乃解命謁者給朔札。使為之賦。朔即獻詞曰。徑西方之綿邈兮。積閭風之崇基。縹玉墻以千里兮。右翠水而左瑤池。崑崙層峙以差義兮。弱淵周流而逶迤。中龜臺之清都兮。嵒洪敞而甚治。紫丹房與石室兮。罍浮雲而上齊。諒豐隆月缺之矜工兮。斧雷霆而斲之。疏懸黎以代礎兮。瑩結綠而飾墀。虞淵倒景而下射兮。光反激以交馳。萃飛仙之遊遨兮。餌若英而咀瓊枝。憂叢霄之靈遠兮。歌白雲而忘歸。狀愉樂而不可憚兮。非羽輪其莫窺。帝九靈之少女兮。其名曰瑤姬。受素書於紫清兮。含洞陰之華滋。習玉瑛而厭處兮。乘回飈以長辭。狂章大翳為之奉轡兮。策蒼虬而駕白蜺。馭八景之玉轄兮。曳紛綸之雲旗。載靈氣而輕舉兮。揭鸞戾而鴻飛。涉巨溟之層波兮。將攝乎南箕。聆夢澤之雄爽兮。泮天水之相圍。介清丘而瀟漫兮。奄高唐以冥迷。忽意樂而延佇兮。彌絳節以徘徊。出丹笈授夫神禹兮。靖九土而安柔祗。下民懷斯遺烈兮。即石化而為祠。象瓊光之華闕兮。騫辛彝以為楣。矯藻棟

以乘虬兮。烈葯房而張薛帷。羣峯連卷而十二兮。爛雲屏而揚輝。儼玉立而正中兮。貌渥飾而具宜。沐蘭澤而含若芳兮。被桂裳而繡衣。炯黼黻之豐麗兮。淡聯娟之修眉。肅容華之拱侍兮。紛環珮之陸離。神武蹲而抱關兮。夕夾陛以文狸。猿猱悲吟以度曲兮。女媧倚歌而舞馮彝。三足鳥往來為之使兮。訊東華之靈妃。迹逍遙乎中區兮。亮素節之靡移。鼻祖祝融之裔子兮。竊息媯以荆尸。蠱丈夫人於前兮。後又奪耶陽子之妻。豹舄覽掩而攘內兮。蟄月暴罕而蒙訾。黑要挾夏而與居兮。於菟盜郢而遂孽。世非淫而上蒸兮。嘗見刺於湘纍。橫下臣繫宋玉兮。按暴厲之不可規。稱先生常與靈游兮。薦枕席而嬖私。今胡為而復遇兮。意託諷於微詞。啓後世之警惑兮。詎魄化而為芝。曰媚而服焉兮。則與夢期。宜聖覽之孔昭兮。獨超悟於昨非。厲皇荒德而慢神兮。禍源起乎龍康。悼衛蒯之失國兮。艾假實發其亂機。屏宓妃而却玉女兮。幸後王之三思。

灝瀨堆賦

薛紱

蜀江滙而赴峽。勢迫抑而騰掀。掌江之衝。有堆屹然。爰停我橈。徘徊覽觀。有會余心。乃知大禹所以浚川而不去此者。匪特以殺水之怒。而四瀆之長江。有灝瀨河存砥。

柱則聖人之意亦將有所寓焉。夫形而上者謂之道。形而下者謂之器。器者物之物。道者物之先。先乎物者在人。則存乎心者也。所以宰制乎萬物。豈一物所得而肩。彼堆斯江。彼柱斯河。在物之石而器之下也。然洪水滔天。不為之移。狂濤卷空。不為之動。潦盡漲涸。岌乎峭壁。亘宇宙而長存。閭陵谷之變遷。而人之所以先乎物者。乃誘於知。乃逐於物。理之趨如水斯下。欲之熾如火斯然。曾莫得以止遏者。反茲石之不然。又安可以推其原縱而忘反。茲固弗道制之無方。愈蕩而偏。禁而絕之者。昧乎倫類。空而妙之者。荒無逕蹊。嗚呼。無廬而居。無畔而田。卒窮露而奚歸。寧耕獲而有年。曷不觀於茲堆乎。彼惟居其所者。此而固也。然後可以障狂瀆之流川。苟失其所而昧其居。吾知此心之不傳。其居伊何。曰。則自天理雖微而難明。實天命之固然。自視聽言動之間。以及於君臣父子之懿。物必有則。理不可違。切而思之。講而明之。習而察之。謝無根之潢潦。挹有本之源泉。眇乎其微。深乎其困。物有萬變。事有萬理。察乎其微者。卓然而不可易。然後可以蔽乎天地而關乎聖賢。必真知也。而後其行也果。必力行也。而後其知也全。恭敬朝夕。奉以周旋。茲孔孟之所以不倦。不愠。不怍者。豈蹈白刃之勇者。所可得而言。嗚呼。人心之危。匪石。而人欲之勝。甚於水。吾觀茲推而有感。

於天則之嚴。是以憂講學之急。而述之於篇。

巴國考

王象之

山海經云。西南有巴國。又云。昔太皞生咸鳥。咸鳥生乘釐。乘釐生后昭。是為巴人。郭璞注云。巴之始祖事。寰宇記。周武王伐紂。巴蜀之屬。髡微預焉。尚書牧誓云。及庸。蜀。羌。髡。微。盧。彭。濮。人。注云。髡微在巴蜀。巴之名已見於此。巴志云。武王克殷。封其宗姬於巴。爵之以子。春秋魯桓公九年。巴子請與鄧為好。莊公十八年。伐楚。文公十六年。巴與秦楚共滅庸。哀公十八年。巴人伐楚。敗於鄆。又曰。庸蠻叛楚。楚莊王伐之。七遇皆北。唯儵魚人實逐之。杜曰。裨儵魚三巴。今魚腹縣也。巴志云。戰國時。蜀既稱王。巴亦稱王。巴志亦云。周慎靚王五年。蜀王伐苴侯。奔巴。巴為求救於秦。秦惠王遣張儀。司馬錯救苴巴。遂伐蜀。滅之。儀貪巴道之富。因取巴。執巴王以歸。置巴蜀及漢中郡。

蜀國考

前人

按世本。山海經。揚雄。蜀王本紀。華陽國志。諸書。皆言蜀之先。肇於人皇之際。至黃帝子意。娶蜀山氏女。生帝嚳。後封其支庶於蜀。歷夏商周。始稱王者。總目名鯨叢。次曰柏灌。次曰魚鳧。其後有王曰杜宇。杜宇稱帝。號望帝。時有荊人黿。令死。其屍隨水上。

荆人求之不得。鼂令至汶川下。忽復生。見望帝。帝立以為相。時巫山壅江。蜀地洪水。望帝使鼂令鑿山。蜀得陸處。望帝因禪位於鼂令。號開明。遂自亡去。化為鶡鴒鳥。故蜀人謂子鶡為望帝。自開明而上至蠶叢。凡四千歲。自開明而下五葉。有開明尚始立宗廟。尚書牧誓所謂庸蜀者。即此也。通鑑。愍親王五年。巴蜀相攻擊。俱告急於秦。秦使張儀司馬錯伐蜀。滅之。貶蜀王。更號為侯。後以其地為蜀郡。華陽國志云。開明氏凡王蜀十二世。

蜀山考

前人

金陵隨筆云。蜀人繪蜀山作六圖。一曰峨眉。去嘉州峨眉縣百里。為六山之最。自白水寺登山。初二十里。有石磴可登。又二十里。多無路。以木為梯。行三二里。方著實地。又二十里。有雷洞。始到光相寺。則峨眉絕頂其上。樹木禽鳥。多與平地異。天氣尤不同。九月初。已下雪。應綿衣絮衾。用盡。而終夜然。火山。上水煮飯不熟。飯食皆從白水寺造。上所謂光相錦雲天燈陰雪不見。一曰青城山。中有六道宮。丈人觀。上清宮。為最。五宮觀皆在山之麓。五里。至上清。又至成都山。則為半山。至大面山。則為山之巔。大面山後。即老人村。不可通矣。一曰錦屏。今閬州城南。五山峙立。江南如屏。有浙間

山狀有讀書巖。乃陳亮兄弟讀書之地。一曰赤甲白鹽。在夔門灩澦之兩岸。水流其中。而兩山東之。大率如蜀之門戶。一曰劍門關。古所謂劍關之險。有大劍小劍之號。往往山皆北向。有劍鋒之狀。而道出兩山之間。有關使以司之。一曰巫山。今夔州巫山縣之東。十二峯不是一面生。江遠此山周遭十二峯。故人繪為一圖。

蜀水考

前人

四瀆惟江最大。發於岷。逕夔。荆達揚而入於海。此江之源也。外自蜀而言。江之外其水有七。出於綿之神泉。曰綿水。出於什邡之章洛山。曰洛水。分流於永康之湔壩。曰湔水。綿水自綿竹紫巖山逕德陽。雒水自什邡入雒。湔水逕導江崇寧。九隴。漾陽亦入雒。三水皆合於雒。自雒逕懷安。簡資富順至瀘。與江水會。總曰內水。發源於江油之清川。逕綿。潼遂東。至於合。曰涪水。發源於沔之青泥嶺。逕大安。利闌。果至合於涪。水會曰嘉陵水。發源於小巴嶺。逕巴達之伏虞。西南以至於渠口。巴水出萬頃池。逕明通。又至渠。與巴水合。曰渠水。巴渠二水既合。逕廣安。新明至合於嘉陵。涪水會以達於渝。而江始大。此七水與江別合之大畧也。若分流出彝中入中國以附於江者。有三。曰青衣。曰羊山。曰馬湖。青衣出來山。逕嚴道。洪雅。夾江而下。羊山出鐵豹嶺。逕

漢源至嘉定之南。與青衣水合。入於馬湖。自犇都流至敘。亦入於江。又有出於郡邑之山澤者。則自岷峨而下。沿流以至於夔。不勝其眾。其大者如盛山之萬頃池。則醴流有四。一入於渠。三入於夔。惟漢水出嶓冢。與江分流。由漢金赴襄。至江夏大別山。始與江合。此蜀眾水接連荆楚源流之大畧也。

劍閣銘

晉張載

巖巖梁山。積石戕戕。遠屬荆山。近綴岷嶓。南通邛笮。北達褒斜。狹過彭碣。高踰嵩華。惟蜀之門。作固作鎮。是曰劍閣。壁立千仞。窮地之險。極路之峻。世濁則逆。道清斯順。閉由往漢。開自有晉。秦得百二。并吞諸侯。齊得十二。田生獻籌。矧茲狹隘。土之外區。一人荷戟。萬夫超超。形勝之地。匪親勿居。昔在武侯。中流而喜。山河之固。見屈吳起。興實在德。險亦難恃。洞庭孟門。二國不祀。自古迄今。天命不易。憑阻作昏。鮮不敗績。公孫述既沒。李氏勢銜。壁覆車之軌。無或重跡。勒銘山阿。敢告梁益。

月巖銘

冉木震

黔號古郡。地居極邊。倅治倚山。其山刺天。曰有月巖。古老相傳。視事累月。徧求茫然。偶着溝渠。巨石中填。深掘視之。厥狀巖坑。中實一穴。透明而圓。皎如秋月。翳絕浮烟。

旁輔三隙。如星之聯。枚括細觀。古識存焉。爰命僕夫。昇置座前。負以層石。映以灣泉。日對其側。卷舒簡編。凡物遭遇。皆有貴緣。高岸深谷。知幾變遷。惟我月巖。存千萬年。

卜肆銘

陸龜蒙

蜀莊之託著龜也。以忠孝仁義。後來之託著龜也。以偷佞險詖。美之使怡愉。怛之使駭畏。小人惟惡是嗜。松江本惟禍是避。惟福是覲。惟瞽言。一字集是媚。曾不究得失之所自。故幽贊之著。前列之龜。乃此為庸妄之器。嗚呼成都。吾不知古為市之地。況君平之卜肆耶。強為之銘。具刻其意。

石室銘

宋石仁

昔夏禹定九州貢法。明三壤同異。山川草木鳥獸戎夏土地所生。財賦所出。聲教所暨。咸悉載之。無一遺者。至於天下人性賢愚。民心善惡之所係。則闕而不載焉。三代而下。史策所存者。咸能著之圖籍。而志其地理。迹其記錄。則於天下人氏所係之性。亦畧而無聞焉。聖賢之述作。亦有所闕乎。豈聖賢之志。將有所蘊乎。意者謂人性之上下不常。於世隨其教化而移易也。故上之教行。則民興善。上之令嚴。則民興暴。皆從其上之所為耳。語曰。如風之偃草。又曰。若泥之在鈞者。豈虛言哉。此聖賢所以不

可不筆之而傳後世者矣。且蜀之開國地遠中夏。民性怯懦而多浮侈。迨文翁之為守。立學校。造講堂。石室以備其制度。遺後入之士。東受七經。還以教授。於是風教大行。而岷絡之地。比於齊魯。厥後相如既沒。而淵雲之徒。森然繼出。兩漢之際。舉不乏賢。得人之稱。迨今攸盛。於戲。蜀始以僻陋險隘。人民夸詡。古謂難治。暨文翁以儒學教導之。則其人莘莘然嚮慕於文學。而見用於當世者。得非上之教化移易於人民若是哉。覽之前記。尤美其事。觀乎遺迹。則石室猶存。雖前賢有銘其徽烈者。大率言立學興儒。而以石室琬琰。取學者磨礱之意。又欲樹功於不朽也。觀其言詞。似猶未盡賢守教化之深意。因復廣而銘之曰。地有常形。民無常性。繇上之化。所從而正。惟蜀之郡。在天一隅。俗尚浮侈。人希服儒。賢哉文翁。來牧茲土。爰立石室。始興庠序。俾此氓絡。儒風大行。予以兩漢英賢踵生。降及我朝。得人侔右。家慕淵雲。學隆鄒魯。政教下格。文材上通。迨今蜀人咏歌德風。

移建離堆山伏龍觀

并序

馮 伉

夏書禹貢。導江漬以出岷山。秦史河渠。鑿離堆以洩沫水。懷襄昏墊之瀾。平之於前。以陂九澤。以通百貢。於是乎錫圭鑄鼎。夏后以膺圖立極。瀕洞之愚。濬之於後。以

疏二江以灌萬井。於是乎聞牛沈犀。李公以興利除害。大惠決於黎獻。豐功遺於億萬。其極一也。興夫鄭國分渠於渭上。西門引漳於河朔。恩較其博。倍將萬矣。左史曰。指渠口以爲雲門。洒漑池而爲陸澤。不其然乎。非夫有道之士。其孰能勇斯身。仁斯民。輝照竹帛。豐潔祠享。如此其光也。詳夫驅風雲。運神化。剪妖厲。謀疏鑿。功蔭萬世。壽踰百歲。其在神仙之品。得非漢天師。許旌陽之徒歟。離堆山。伏龍觀者。風俗傳云。誅邪壓怪之所。腴田沃野之會。驚湍湧雷。激瀨飛雪。洪流混其淡澹。迴波滴乎溶溶。彌其雲壁高圻。霜濤中注。靈阜嶙峋。以磅礴。冲澗澎湃。而澆漓。礮礮灘。許靖振林谷。有若長蛟。斷於陽羨。支析鑠於淮泗。勿復害矣。每歲孟春。役徒萬億。記太倉爲之給粟。長吏爲之督工。築之繩之。決之防之。乘時以興。比月而息。枝分脈散。環縈紆錯。連州越郡。膏沐千里。雖密雲靈霸。愆陽繢隆。而田原是濡。倉箱是粒。書不云乎。岷嶓既蒨。沱潛既導。蓋坤離之上游。天府之陸海也。爰建福地。聿崇仙館。旌哲人之餘烈。慰生民之報德。固其宜矣。伉常覽舊史。燦然神迹。式將王命。躬率僣功。歷載惟三。疏九芟草以廣其趾。積石以增其注。遷舊宇之翳薈。即孤山之顯敞。洪流壁轉。列峯屏合。東臨江口之關。故靈基立其左。崇功之義也。西瞻寶室之穴。故仙亭峙其右。思道之

旨也。正居太上之殿。中築朝真之壇。喬木蔽乎陽岑。缺二激乎陰壑。石頭虎踞之狀。迷丘鼉冠之奇。呂梁縣仞之險。吳濤逆奔之勢。羅列在目。殆非人世之景。缺五嘯於谷風。鉉鶴鳴於浦月。白雲生座。上拂仙香。彩霧依巖。下傳天樂。缺二聖上凝命穹昊。躋人福壽。訪道以清中夏。軒轅氏之理也。望秩以徧羣神。有虞氏之勤也。茲地也。名山周映。靈跡孤標。僉移集道之宮。尊為逆釐之府。事非改作。功無用勞。不革舊名。惟崇新宇。經構輪奐之狀。助楊穆清之化。真風奇跡。等天地久。不亦盛乎。不亦永乎。拂石刻銘於彼山趾。其詞曰。李公英英。日貫其誠。其功美利。於今有靈。仙鳧屹峙。元都景明。壇殿新製。門闥舊名。江沱泚泚。楊漣玉清。岷山峩峩。回峯雪零。桂菌朝蔚。漪瀾夜渟。乘雲嘯歌。浮丘赤城。

禹廟記

王廷瞻

帝王世紀及路史。華陽元和志。揚子雲蜀記。並載帝禹汶山廣柔人也。生於石紐。蓋今之石泉縣云。然則蜀於禹為發祥。詩姜嫄所當生民之初。若後世號稱湯沐邑者。宜有祀考之。宋嘗祀禹於石泉。又嘗祀於夔門。計有功張侔為記其事。而今皆湮沒矣。嘻。何其闕也。今上踐祚。修舉廢闕。興於禮樂。靡德不報。百物咸周。於是中丞巴陵。

羅公直指隴西郭公。咨覽禹跡。慨然遐思。言於朝。請為禹廟。成都如秦州祠太昊之義。以應禹績。稱皇上卷卷平成之意。制曰。可。建治祠城中。越三載而告成。殿廡奕奕。門屏翼翼。丹雘有爽。肅肅藹藹。歆若降涉。嗚呼盛哉。夏后明德之遠。而聖主之事報斤斤休咎矣。余讀書至禹乘四載。同九州作貢。十有三載。過門不入。蓋喟然嘆息于禹烈焉。然其辭雅馴。畧言之。及讀他傳記。所載禹治水躬操畚耜。燒不及損。濡不拾北。冠挂履脫。而弗顧。所又名川三百。交流三千。至於腓亡。肢支不遂。竅息不屬。以奠民於安土。所謂臣役之勞。不穀於此者也。至他稱述戴鈐履己。受箕河精。如乘龍宛委。童律成光。無支祈之類。則又詭與非常聞。余甚異焉。然書亦稱洛出書。錫禹九疇。此與所稱探符授簡者異乎哉。今越之會稽山。其上益有禹穴焉。意者天授神聖。以拯九州之溺。而貽萬世之安。事宜有之。如圮橋素書。殺城黃石。不必盡誣也。世稱神禹有以也夫。不然。何其獨擅神明之號也。夫以禹之勞如彼。其功若此。宜祀一尊。遽述則廣柔為降神之鄉。宜祀二。沂峻業則岷嶓為滌原之首。宜祀三。今河濟淮泗之間。沿流裸獻。而民間又往往家尸而戶祝之。而茲土顧無祀。豈以沱潛既道。蔡蒙既旅。數千年無壅決昏墊之患。忘其功而遂忘其報乎。嘻。何其負而不德也。夫祭之為義。

有報而無祈。河淮以有事而數祈。瀆也。江沱以安流而弛報。忘也。與其忘也。無寧數數者。迫於菑患。無所奔走。控懇而為之。不猶愈於食人之德而忘之者乎。皇帝聖哲。原念本始。允答人心。肇嚴蜀祀。用彰明德。且以重蜀於天下萬世。巴蜀吏吐薦紳長老。莫不趨走環觀。咨嗟感激於斯。廷瞻曰。乃者國家有事於河。河流順軌。灑沉滄蓄。黔首賴祉大矣哉。皇帝之功。與神禹並也。吾乃今而益知禹德焉。祇奉休命。既告成事。乃為究度天意。推明祭義。楊詡聖謨。告之來茲。曰。俾勿壞於成祀云。

重修杜工部祠堂記

張時敘

杜工部子美祠。在城都郭西五六里許。即其所咏草堂者是也。蜀獻王之始封也。見祠隘且就圯。曰。是足以妥靈而虔祀乎。遂拓而新之。事在方正學碑中。嘉靖丙午。乃余實來。去獻王幾二百禩。則圯猶昔也。余乃使知府馬九德。長史李鈞。游繼。啓於令王。為言祠事。王輒報諾。乃遂闢廊廡。起薨棟。引流為池。易甃以石。規模壯麗。增於故昔。蓋十之六七。費白金三千有奇。經時日。歲有奇。人曰。是舉也。見今王繩武之孝焉。尚賢之誠焉。風後之烈焉。非恭儉樂善。其孰能之。張時敘曰。余於子美。蓋傷志士之不遇云。初子美貧不自振。客吳越。齊趙間。如長安舉進士。不中第。困蹙矣。明皇饗郊。